

御制诗

御製詩初集卷之四十一

古今體八十九首 丁卯五

復聞河南得雨

春杪夏初欣時雨
蹙眉遠為商洛憂

彼時河南望雨

邇聞屢霑差少慰
望雲日夜頻增愁
彼處麥收還過半
趁種禾黍如油此
則十日期已迫
況兼二麥難為秋
眼前得失紛塞馬
而我切切無窮休
亦思所戒不知足
其如億兆衣食謀
入孝出弟民風淑
要先養欲與給求一

夫不獲予之辜燮和無術其誰尤嗚呼燮和
無術其誰尤安得宜雨而雨宜暘而暘遍我
寰宇長蒙庥

題曹夔音山水十二幀

春山新霽

春仲田盤六轡紆千峯雨後翠糝糊倚牕竟
日拈吟處不意今朝入此圖

層巒疊翠

隱軫溟濛逼太行山容霍霍樹蒼蒼恍疑曉

事黃公望

是幅法黃公望

為我讀書開草堂

蒼山飛瀑

畫家誰不寫飛流箇裏神筌未易酬約略指
南叅活句聽如有響望如浮

秋江漁隱

蘆荻蕭蕭霜葉新闔閭靜對水漣淪依然石
室磻溪側復見當年跼餌人

山靜日長

佳話後來說霍林巖居清事足幽尋日長山

靜人爭道誰識景綸太古心

秋林亭子

寒篠枯槎間幾株夕陰朝靄萬千殊無多邱壑有多趣妙處天然是老迂

是幅法倪瓚

攜琴訪友

廉折和平理可觀高山流水感多端相逢底用班荆論便向松風深處彈

夏山聳秀

山川繆結樹扶疎大似王家一筆書寂愛濃

青剛過雨白雲旋復罨林間

古木竹石

老榦槎枒恠石癉幾梢煙箒間而生抗懷擬
謝柴桑老不與凡柯共向榮

秋江晚渡

坐待舟人不可招打頭楓葉落蕭蕭滄波阿
那邊何處便是江南廿四橋

烟雲蕭寺

瀟湘烟雨舊稱奇

米友仁瀟湘圖畫

尺幅偏

能髣髴之秀發峯姿含潤溥招提結夏放叅時

羣峰積雪

卿家知白真知白

是幅曾知白

慣與乾坤作粉粧

鄰待置身圖畫裏望中已覺十分涼

端陽日漫題

將謂今年過舊歲却成舊歲勝今年

去年閏三月

廿八日得雨繼此則甘霖時沛雖二麥歉收而秋成大有今歲以三月廿五日得雨四月望以前連得膏澤麥收秋成均有可望乃自四月望以後至今望澤甚殷麥收亦僅似去年

年而大田尚榴紅蒲綠都無色稻下黍高俱
不知若何云
可憐郊外正須盈尺雨溪邊漫弄九龍船自
慙涵養功猶欠每值憂勞輒忘眠

再疊前韻

略舉為君難一節較晴量雨正年年況逢亟
待恩膏沛何暇閒將景物憐祈請輒教先比
屋委輸安可恃方船那當假得洞庭術鞭起
雨工不放眼

佛手

八閩風候暖佛手出冬花秀質含霜淨幽香
度嶺賒却難稱色相似欲攬袈裟不必標全
月清涼本一家

麥秋

北方春旱多十年而九矣今歲邀恩早額手

稍慰喜二麥綠芄芃餅餌饒堪擬翻因鑒常

時種少自咎爾

常年春旱多農家戒此而種
麥少今歲春雨佳故春夏之

交多有以今歲
豐收自咎種少者

曾因課農便聞諸農家

子更兼高下田黍稻皆蔥美受寵宜若驚盟

心恒自揣無何首夏半浹旬缺甘雨叶麥乃
如去年臨秋漸黃萎乃悟得失間反掌誠幻
已所得憂不多失得憂倍蓰展轉繁憂中害
其有底止慰意倏已過愁思紛縈起既用凜
天謔還曰格物理

陰

五月
八日

油然作雲勢磕爾喜雷音坐起難為意踟躇
空復吟畏風偏動葉障日已霏林安得傾盆
沛舒予渴望心

偶閱今歲詩稿率題

今年未度半年期慰望凡三屢閱之

正月望雪繼望

雨二月十五以後雨而少慰三月十五前後復望雨下旬至四月初雨足而大慰四月十

五後復少望雨十九日雨而復慰祈歲要哉凡此皆有詩至今則又復望雨云

他豈慮劭農性也那能移歟豐未定三秋寶

欣戚憑裁數首詩刻下甘膏亟相待知何時

是放懷時

風

稍有雲生風便隨彭怒猶然鎮堀堞湏臾雲

散風亦息豈伊有意教坎坷風則靈矣究無
藉雲胡為者任其簸三春少和今復狂想爭
例事偏愁我

微雨

過午鬱蒸消息佳久旱雲好思杜甫彼人臣
也猶為民況我覲然為人主燮理垂方災歟
多此責誰諉縈憂緒訇爾雷鳴日掩光獨臨
階圮頻延佇細點纔零驟霽沱額祈盈尺興
苗雨湏臾雲薄風散之益增展轉愁如許

夏至齋居

元祀儼將臨遷坐凜明旦讀卦玩金柅撫時
卜石燕豈惟例徹樂早已敕減膳修省切衷
獨愧以諭羣彥驕陽烈中天炎風蕩廣殿廣
殿清嚴所尚不禁燭暎傷哉彼稚苗待澤亟
隴畔日暮未興雲翹首益增歎

夏至日躬祭

北郊

敢辭炎暑為身謀

方澤躬親祀事修況是常年蒙

厚貺

憶自雍正十年以後屢蒙恭代此祭及乾隆元年至今

皇考命

親行

又北方春末夏首亟望雨澤率於夏至前後獲雨今歲得雨雖早而至今又待澤甚

殷

益教此日籲

鴻庥脩筵遞進

思文帛房俎初登大武牛望瘞不遲韶樂振

廣壇誠意有餘留

憶昔

憶昔

膝下時依依切孺慕北方例春旱歲歲煩
聖慮殷憂每先期賑恤籌補助常見傳六膳
有時忘下箸竊謂愁勞過欲慰意轉懼微誠
荷

恩鑒首肯無訶怒恒於祈請所

命代申忱素豈知

慈愛中誨訓于茲寓今為切已事早嘆况頻
遇任同

德霄壤慚畏日增遽敕幾戒終怠調元愧六

幕^叶稍可自信者良心尚如故

北郊迴鑾途中記事

歟秋老麥全無色待澤新禾強半垂
烟隴一畚膏雨後頓教人憶去年時

陣雨

陣雨雖屢作艱致渥且優前朝齋法宮傍晚
雲脚浮點滴只頃刻旋成霽景收次曉自御
園有來內侍流問彼以雨勢咸云覺稍稍昨
因大祀旋園林卜鳴鳩頗覩油然興曾無霑

爾酬詰旦理庶政名詢卿尹儔告我昨在京
眼見盈澮溝奇哉彼兩工何獨無緣投豈其
果有意避我如相仇欺飾中涓常于彼奚深
求國是夙所倚不宜逐悠悠或者欲慰我我
寧易慰不匪誠未足信誠然益可憂

曉涼

一雨將成仍不果頗覺曉涼切青瑣涼遲雨
意熱固佳又懼驕陽勢如火日甚一日百憂
煎展轉思量無一可